



## **Paneli këshillëdhënës për të drejtat e njeriut**

Building D, UNMIK HQ, Prishtinë/Kosovë | E-mail: hrap-unmik@un.org | Tel: +381 (0)38 504-604, ext. 5182

### **VENDIM**

**Data e miratimit: 9 qershor 2011**

**Lënda nr. 31/10**

**Tihomir Staletović**

**kundër**

**UNMIK-ut**

Paneli Këshillëdhënës për të Drejtat e Njeriut i mbledhur më 9 qershor 2011, me anëtarët vijues të pranishëm:

Z. Marek NOWICKI, Kryetar  
Z. Paul LEMMENS  
Znj. Christine CHINKIN

Të ndihmuar nga  
Znj. Anila PREMTI, Ushtruese detyre e zyrtares ekzekutive

Pas shqyrtimit të ankesës së sipërpërmendur, të paraqitur në pajtim me nenin 1.2 të Rregullores së UNMIK-ut nr. 2006/12 të datës 23 mars 2006 për themelimin e Panelit Këshillëdhënës për të Drejtat e Njeriut,

Pas diskutimeve vendosi si në vijim:

### **I. PROCEDURA PRANË PANELIT**

1. Ankesa u paraqit më 29 mars 2010 dhe u regjistrua në të njëjtën ditë.

### **II. FAKTET**

2. Sipas ankuesit, në qershor 1999 ai ishte larguar nga vendi i tij i punës në ndërmarrjen për transportimin e udhëtarëve “Polet” në Ferizaj.

### **III. ANKESA**

3. Ankuesi ankohet për faktin se që nga largimi i tij ai nuk merr mjete financiare apo ndonjë kompensim tjetër. Ai ankohet se është lënë pa mjete të nevojshme financiare për të mbështetur familjen e tij dhe pa shtëpi për të jetuar.

### **IV. LIGJI**

4. Para se të shqyrtohet rasti për pranueshmërinë e tij Paneli duhet të vendosë nëse do ta pranojë rastin, duke marrë parasysh kriteret për pranim të përcaktuara në nenet 1, 2 dhe 3 të Rregullores së UNMIK-ut nr. 2006/12.
5. Paneli përkujton se, sipas nenit 2 të Rregullores së UNMIK-ut nr. 2006/12, ai ka juridikSION vetëm për “ankesat lidhur me shkeljet e pohuara të të drejtave të njeriut që kishin ndodhur jo më herët se 23 prill 2005 apo që buronin nga faktet që kishin ndodhur para kësaj date kur këto fakte paraqesin shkelje të vazhdueshme të të drejtave të njeriut”.
6. Paneli konsideron se largimi nga puna është akt i atypëratyshëm, që nuk paraqet ndonjë situatë të mundshme për shkelje të vazhdueshme (shih Gjykata Evropiane për të Drejtat e Njeriut, *Jovanović*, nr. 59109/00, vendim i 28 shkurtit 2002).
7. Paneli thekson se largimi i ankuesit gjoja se ka ndodhur në qershor 1999.
8. Si rrjedhojë, ankesa është jashtë juridikSIONIT kohor të Panelit (*ratione temporis*).

### **PËR KËTO ARSYE,**

Paneli unanimisht,

### **SHPALL ANKESËN TË PAPRANUESHME.**

Anila PREMTI  
Ushtruese detyre e zyrtares e ekzekutive

Marek NOWICKI  
Kryetar